



KOMUNA E PRISHTINËS

RAPORT

Drejtoria	Drejtoria e Shëndetësisë
Periudha Raportuese	Nëntor, 2019
Emri dhe mbiemri i raportuesit	Dr. Bujar Gashi

1. PËRMBLEDHJE

Përmbledhje e përgjithshme rreth mbarëvajtjes/ecurisë së punës në drejtorinë tuaj për muajin raportues.

Gjatë muajit nëntor 2019, stafi në këtë drejtori ka pasur takime të përditshme me qytetarë, për t'u njoftuar me procedura dhe me shërbime sipas interesit dhe kërkesave të tyre.

2. AKTIVITETET E PLANIFIKUARA

Listoni aktivitetet për muajin raportues, të parapara sipas planprogramit të Komunës për drejtorinë tuaj:

- Monitorimi i aktiviteteve bazuar në specifikat e kontratave publike kornizë dhe furnizime;
- Monitorimi i mbarëvajtjes së punës në përditshmëri të personelit shëndetësor në QKMF dhe njësitë e saj, si dhe në QMU;
- Përgatitjet administrative rreth aktiviteteve në vitin fiskal 2020;
- Përpilimi i raporteve të ndryshme në kuadër të Drejtorisë;
- Shqyrtimi i mjeteve të ankimit me rrugë administrative.

3. AKTIVITETET E IMPLEMENTUARA

Listoni dhe shpjegoni aktivitetet e implementuara gjatë periudhës raportuese nga drejtoria juaj, duke përfshirë edhe aktivitetet që janë në implementim e sipër. Theksoni të arriturat e drejtorisë:

- Zhvillimi dhe monitorimi i kontratave:
 - Renovim i hapësirave, kati përdhese, QMF 5;
 - Renovime dhe përmirësime të infrastrukturës së objekteve shëndetësore në hapësira të ndryshme, bazuar në gjendjen aktuale të tyre;
 - Furnizim me material shpenzues stomatologjik;
 - Furnizim me material shpenzues laboratorik dhe RO Kabineti;
 - Pastrimi i objekteve shëndetësore;
 - Furnizim me pajisje mjekësore;
 - Furnizim me inventar për nevojat e institucioneve shëndetësore;
 - Takime dhe njoftime të vazhdueshme të ekipit menaxhues;
 - Përcaktim i ekipeve vlerësuese për aktivitetet:
 - Renovimi dhe përmirësimi i infrastrukturës së objektit QMU;
 - Furnizim me pajisje - pjesa II;
- Monitorimi i mbarëvajtjes së përditshmërisë të personelit shëndetësor në QKMF dhe njësitë e saj, si dhe në QMU;
- Takime të vazhdueshme me menaxhmentin e QKMF-së dhe QMU-së në lidhje me përditshmërinë e punës me qytetarë;
- Bashkëpunim me ekipet menaxhuese, Planmenaxhimi i kontratave - Proces prokurimi;
- Takim pune me kolegë të DIMK-së dhe OE-së rreth projektit Ndërtimi i QMF-së "Prishtina e Re" - Zona përëndim;
- Takim pune me kolegë të Drejtorisë së Urbanizmit rreth zgjerimit të garazheve QMU;
- Rishikim i planprogramit të aktiviteteve për zhvillim të vazhdueshëm profesional;
- Plotësime të Planmenaxhimit të kontratave të ndryshme;
- Përfundimi - përpilimi i Planprokurimit 2020;
- Përfundim - Planveprimi 2020;
- Takim me MAP dhe profesionistë të tjerë rreth - Plani i fizibilitetit të ndërtimit të spitalit të Prishtinës;
- Përgatitjet teknike rreth përcaktimit të aktiviteteve mbi zbatimin e planit të veprimtimit DSH, janar 2020 - procedurë prokurimi.

4. AKTIVITETET NË IMPLEMENTIM E SIPËR

Të përshkruhen në detaje aktivitetet që janë në implementim e sipër nga drejtoria juaj për muajin raportues:

- Monitorimi i kontratave:
 - Furnizim me material administrativ e shëndetësor;
 - Furnizim me material shpenzues stomatologjik;
 - Renovime dhe rindërtime;
 - Pastrimi dhe mirëmbajtja higjienike e objekteve shëndetësore të kujdesit Primar shëndetësor;
 - Furnizim me pajisje mjekësore;
 - Furnizim me inventar për nevojat e objekteve shëndetësore;
- Mbikëqyrje e vazhdueshme e punës së përditshme të personelit shëndetësor në objektet shëndetësore rreth mbarëvajtjes së punës;
- Përmbyllja e aktiviteteve DSH 2019.

5. STATISTIKAT

Të listohen të gjitha statistikat përkatëse për drejtorinë tuaj, duke filluar nga buxheti i planifikuar dhe ai i shpenzuar për periudhën raportuese, diskutimet publike, takimet me palë, institucione, qytetarë e të ngjashme, kërkesat për qasje në dokumente zyrtare, lëndët e pranuar, të kryera dhe në përfundim e sipër, dhe statistika tjera specifike që mund të ketë drejtoria juaj. Shtoni kategoritë sipas nevojës.

5.1.1. Buxheti i planifikuar dhe ai i shpenzuar për periudhën raportuese.

5.1.2. Takimet me palë

- Janë pranuar rreth 9 - 10 palë gjatë ditëve të punës, me përjashtim te palëve të pranuar nga drejtori.

5.1.3. Takimet me institucione të tjera.

- Drejtoria e Investimeve Kapitale:
 - o Menaxhim i kontratës “Renovime dhe rindërtime”;
- Drejtoria e Pronës:
 - o “Kushtet ndërtimore - renovimi QMU-së”;
- Drejtoria e mirëqenies sociale:
 - o “Bashkëpunim në aktivitetin e ndarjes së subvencioneve”;
- Drejtoria e Urbanizmit:
 - o “Zgjerimi i garazheve - QMU”;
- Arkivi Komunal:
 - o “Informata mbi objektet e QKMF-së dhe njësitë e saj”.

5.1.4. Diskutime publike/Takimet me qytetarë

5.1.5. Kërkesat për qasje në dokumente zyrtare

- Drejtoria e Pronës:
 - o “Kushtet ndërtimore – renovimi i QMU-së”;
- Arkivi Komunal:
 - o “Objektet e QKMF-së dhe njësitë e saj”.

5.1.6. Lëndët e pranuar, të kryera dhe në përfundim e sipër.

5.1.7. Përfitues të subvencioneve;

5.1.8. Takime të tjera.

6. SFIDAT

Nëse gjatë implementimit të planeve është hasur në vështirësi të ndryshme, p.sh. pengesa brenda Drejtorisë, Komunës, apo institucioneve të ndryshme, ju lutem shpjegoni në këtë hapësirë.

- Mungesa e stafit në DSH;
- Mungesa e shefit të sektorit tani e sa vjet;
- Numri jo i mjaftueshëm i stafit shëndetësor, bazuar në nevoja të qytetarëve;
- Buxhet jo i mjaftueshëm, sidomos për kategorinë “Mallra dhe shërbime”, ku me rritjen e numrit të pacientëve dhe shërbimeve, rrezikojmë shërbimet e vazhdueshme deri në fund të vitit.

7. AKTIVITETET E PLANIFIKUARA PËR PERIUDHEN PASUESE

- Përgatitjet për publikimet e tenderëve, bazuar në planin e prokurimit;
- Monitorim i përditshmërisë së personelit për të ndikuar në shërbime shëndetësore cilësore dhe të qasshme;
- Aktivitete për të ngritur cilësinë e shërbimeve shëndetësore.

8. TË TJERA

Shënoni çështjet tjera që mendoni se janë me rëndësi të raportohen e që nuk kanë qenë të përfshira në pikat e mësipërme.

AKTIVITETET NË QENDRËN KRYESORE TË MJEKËSISË FAMILJARE

Aktivitetet vetëdijesuese

- Më 01.11.19, ne QKMF u mbajt takim me përfaqësuesen e Shoqatës së Kirurgëve Plastikë, ku u diskutua lidhur me Trajnimin "Metodat bazike dhe bashkëkohore për trajtimin e djegieve", që planifikohet të mbahet në nëntor/dhjetor në QKMF, me kohëzgjatje 2 orë, çdo të marte, derisa të përfshihen të gjithë mjekët. Trajnimi i akredituar nga OMK me 8 pikë. Andaj, më 12, 19 dhe 26 nëntor 2019, në QKMF është mbajtur trajnimi "Metodat bazike dhe bashkëkohore për trajtimin e djegieve", organizuar nga Shoqata e Kirurgëve Plastikë Rekonstruktiv të Kosovës. Qëllimi kryesor i këtij trajnimi është njoftimi i stafit mjekësor me metodat bazike, bazuar ne protokollat e reja për trajtimin e djegieve. Trajnimi është akredituar nga OMK dhe planifikohet të mbahet çdo të martë, derisa të përfshihen të gjithë mjekët nga QKMF-ja;
- Nga 01.11.19 deri më 29.11.19, "Trajnimi për Diabetin" u vazhdua në Klinikën Endokrinologjike, me kohëzgjatje 1 mujore, për ekipin e 28 mjekë/infermierë.
- Nga 01.11.19 deri më 29.11.19, trajnimi "Kirurgjia e vogël dhe procedurat tjera emergjente", u vazhdua në QKE/SHSKUK, me kohëzgjatje 1 mujore, për ekipin e 38 mjekë/infermierë;
- Nga 12 deri më 13.11.19, në një "uorkshop" intensiv përfundoi përpunimi - materiali për udhërrëfyesin e TBC-së ekstrapulmonare, e cila u dorëzua në MSH;
- Nga 12.11.2019 deri më 14.11. 2019, duke filluar prej orës 9:30 deri në orën 15:00, në hotelin "Prishtina Internacional", është mbajtur takim pune për finalizimin e draftit për Udhërrëfyesin klinik "Menaxhimi i infeksionit latent të tuberkulozit". Drafti i finalizuar i Udhërrëfyesit është përgatitur për dorëzim në Këshillin Kosovar për UK dhe Komisionin për Vlerësimin e Metodologjisë në MSH. Literatura për adaptimin e Udhërrëfyesit "Menaxhimi i infeksionit latent" është adaptuar nga Udhërrëfyesit e OBSH-së, CDC-së, "Stop Partnership" dhe Udhërrëfyesit e rajonit;
- Më 13, 14 dhe 15.11.19, në QZHMF është mbajtur trajnimi 3 ditor për IST, ku nga QKMF-ja janë ftuar të marrin pjesë një mjek dhe një infermier. Trajnimi është organizuar nga AMC, në bashkëpunim me MSH, UNFPA dhe është akredituar nga OMK;
- Më 13 dhe 20.11.19, në kuadër të aktiviteteve të ZHVP-së, në QKMF është mbajtur ligjërata "Bronchiolitis", ku morën pjesë 79 mjekë;
- Më 31 tetor dhe 1 nëntor 2019, QMF "Mati 1" mbajti aktivitet dy ditor, me ligjëratë edukative, me temën "Drogat në SHFMU "Pavarësia", për klasat e larta;
- Më 14.11.2019, është shënuar Dita botërore e diabetit, në të gjitha Qendrat Familjare të Komunës së Prishtinës. Me këtë rast u mbajtën aktivitete, përfshirë ligjëratë edukative, matje e glikemisë, matje e TA-së, këshilla, si dhe shpërndarje e materialit edukativ për pacientët me diabet. Nga donacione u

furnizua QKMF me disa glikometra dhe shirita matës që shërbyen për realizimin e aktivitetit në 3 qendrat e takimit ditor të të moshuarve në lagjet “Xhamia e Llapit”, “Aktash” dhe “Pejton”, po të njëjtën ditë;

- Më 15.11.2019, raportim në PKKTB për TM II (prill - qershor 2019), për të gjitha rastet e reja dhe ritrajuara me rezistencë të bërë (GeneXpert dhe Rezistencë në Kulturë) - në DSM Prishtinë.
- Meqenëse Dita kundër HIV - AIDS koïncidon të jete të dielën, më 1 dhjetor, është planifikuar që aktiviteti për këtë ditë të mbahet në kontinuitet në shkollat përkatëse gjatë muajit dhjetor, kuptohet, para festave të fundvitit.

Njësia e vaksinimit

Bazuar në kalendarin e imunizimit, vazhdon vaksinimi i qytetarëve të komunës së Prishtinës.

Ndërkaq janë vaksinuar 814 nxënës të klasave 5 dhe 6, në SHFMU “Meto Bajraktari”, “Naim Frashëri”, “Hilmi Rakovica”, “Elena Gjika”, “Hasan Prishtina”, në DT-AL, MMR, OPV.

Poliklinika stomatologjike

Numri i pacientëve në shërbimin stomatologjik ishte - 6830;

Numri i grafive - 689;

Furnizim me material shpenzues stomatologjik nga OE;

Vizitë e vazhdueshme nga kryeshefi mbi përditshmërinë e personelit shëndetësor në ndërresat e ditës/natës dhe kujdestari;

Planifikim për materialin – filma retroalveolar për vitin 2020.

Vizita mjekësore	Shërbimet shëndetësore	Shërbimet laboratorike	Shërbimet stomatologjike	Shërbimet radiologjike	Gjithsej
100934	75946	98273	17268	3025	295446

AKTIVITETET NË QENDREN E MJEKËSISË URGJENTE

Në QMU gjatë periudhës raportuese është punuar sipas orarit të punës, ku mesatarja e shërbimeve shëndetësore gjatë 24 orëve ishte rreth 120, përderisa e intervenimeve ishte 60 raste.

Bazuar në raportimet e stafit mjekësor, rastet urgjente janë trajtuar sipas prioriteteve të tirazhit, dhe në bazë të këtyre raportimeve kanë dominuar rastet me:

- Intoxikimealimentare,

- Gastroenterokolitet acute,
- Lëndime në aksidente trafiku;
- Kriza hipertenzive;
- Reaksionet alergjike;
- Gjendje sinkope etj.

Vizitat shëndetësore vazhduan sipas thirrjeve në linjën tel. **194**, në Qendrën Dispeçerike nga qytetarët.

Prej datës 27 nëntor e tutje, ekipet mobile të QMU janë përgjigjur në çdo thirrje për ofrimin e ndihmës mjekësore qytetarëve të ardhur në kryeqytet nga Shqipëria nga zonat e prekura nga tërmeti.

Nuk janë raportuar raste të rënda me gjendje jetë kërcënuese, shumica e këtyre pacientëve janë ankuar nga stresi, frika, hipertensioni, kokëdhembjet pastraumatike, lëndime të lehta nga ndrydhjet, gërvishtje etj.

Mbështetje profesionale e aktiviteteve kulturore-sportive, edukimi dhe trajnimi jashtë orarit të rregullt:

- Me kërkesë të organizatorit nga FFK, ekipi mjekësor i QMU-së ka ofruar asistencë me një ekip dhe auto-ambulancë për stërvitjen zyrtare, më 16.11.2019, nga ora 17:30 deri në orën 19:30, stërvitjen e reprezentacionit të Kosovës në stadiumin "Fadil Vokrri".

- Në ditën e ndeshjes në mes të reprezentacionit futbollistik të Kosovës dhe atij të Anglisë, më 17.11.2019, asistuan 3 ekipe me auto-ambulancë, nga ora 15:00 deri në orën 21:00, në stadiumin e qytetit "Fadil Vokrri".

- Më 23 nëntor 2019, është mbajtur ceremonia e Ditëlindjes së marinës së SHBA-së, në hotelin "Emerald". Gjatë kësaj kohe në këtë ceremoni QMU asistoi me një ekip mjekësor, me kërkesën nga Ambasada e SHBA-së dhe miratim të DSH-së.

Më 29.11.2019, duke filluar nga ora 8:10 deri 9:30, është mbajtur kolegji mjekësor, ku janë diskutuar problemet dhe sfidat gjatë punës në QMU dhe janë propozuar zgjidhjet për problemet me të cilat ballafaqohet stafi mjekësor.

Pas kolegjiut është mbajtur ligjërata e 11-të, në kuadër të programit për EVM I licencuar nga OMK.

Shërbimet në muajin nëntor 2019 - QMU

1	Vizita mjekësore urgjente në terren	1252
	Vizita mjekësore të tjera	76
2	Vizita mjekësore në QMU	644
3	Shërbimi i kirurgjisë së vogël	22
4	Shërbimi i rea. në terren	8
	Shërbimi i rea. në QMU	12
5	Observim	257

	(INTENZIV)	
6	Shërbimi i infermierisë	139
7	Aksidentet	83
8	Fatkeqësitë në punë	0
	Fatkeqësi të tjera	34
9	Shërbimi laboratorik	157
10	EKG	89
11	Transportet	337
12	Konstatim vdekjeje	56
	GJITHSEJ	3166